

կուսակալություններում), Ի տարբերություն համիդյան կառավարության տարիներին, երիտթուրքերի իշխանության ժամանակ դասակարգային պայքարի մեջ ներգրավվեցին ավելի շատ զավառներ ու գյուղացիական ավելի լայն զանգվածներ։ Կործնելով, որ հեղաշրջումը կատարվել է արդարությունը վերականգնելու և շարք պատժելու համար, գյուղացիներն այժմ հանդես էին գալիս ավելի համարձակ ելույթներով։ Սակայն նրանց ելույթները իթթիհատական իշխանությունների օնակցիոն քաղաքականության հետևանքով առաջվա նման ավարտվում էին պարտությունով։

3. ԱՐԵՎՄՏՅԱՆ ՀԱՅԱՍՏԱՆԻ ՃՆՇՎԱԾ ԺՈՂՈՎՈՐԴՆԵՐԻ ՀԱՄԱԳՈՐԾԱԿՑՈՒԹՅԱՆ ՀԱՐՑԸ

Համիդյան բռնապետությունը զնալով անտանելի էր դառնում ոչ միայն նրա տիրապետության տակ ընկած ալլազգի ժողովուրդների, այլև իրենց՝ թուրքերի համար։ Թուրքական նորելուկ բուրժուազիան ձգտում էր որոշ քաղաքացիական մտցնելու ճանապարհով թուլացնել սուլթանի միահեծանությունը և ամրապնդել իր դիրքերը երկրի տնտեսական ու քաղաքական կյանքում։ Այդ նպատակին հասնելու համար «Միություն և առաջադիմություն» կուսակցության ղեկավարները փորձեցին օգտագործել նաև ոչ թուրք ժողովուրդների ընդդիմադիր ուժերը։ Այդ կուսակցության պարագլուխները՝ Ահմեդ Ռիզա բեյը, Հիլմի Թունալը և Շենֆիկ բեյը 1895—1897 թթ. այցելեցին «Դրոշակի» խմբագրություն, ծանոթացրին դաշնակցության ղեկավարներին միդհատյան սահմանադրությանը, առաջարկեցին միացյալ ուժերով Թուրքիայում հաստատել սահմանադրական միապետություն։ 1902 թ. փետրվարին Փարիզում երիտթուրքերը զումարեցին իրենց առաջին կոնգրեսը և ի թիվս այլ ընդդիմադիր ուժերի, հրավիրեցին նաև հայ քաղաքական կուսակցությունների ներկայացուցիչներին։ Հնչակյանները հրաժարվեցին մասնակցել, իսկ դաշնակցականներն ընդունեցին այդ հրավերը։

Եարունակելով համագործակցության փորձերը, երիտթուրքերն ու դաշնակցականներն Արևմտյան Հայաստանում ստեղծեցին երիտթուրքական կոմիտեներ, իսկ 1906—1908 թթ. սկսեցին հրատարակել Վանում «Արշալույս» («Սարահ յուլ խայր»), իսկ Մուշի սանջակի Առինջ գյուղում՝ «Ազատություն» («Հուրիթ») խմբագրող թերթերը։ Այդ թերթերում քննադատվում էին կառավարության հարկային հարստահարումները, պաշտոնյաների շարաշահումները, խրախուսվում էին ժողովրդական ըմբոստացումները և այլն։

1907 թ. Վիննայում գաշնակցության 4-րդ համագումարում որոշվեց հրավիրել թուրքական զոգճ տարրերի համաժողով և լուծել նրանց միավորման հարցը։ Շուտով «Դրոշակի» խմբագրությունը դիմեց Ահմեդ Ռիզա բեյին ու Սաբահեդդինին, առաջարկելով հավաքվել կոնգրեսի ու մշակել համատեղ գործողությունների պլան։ Նրանց համաձայնությունը ստանալուց հետո ստեղծվեց կոնգրեսի նախապատրաստման հատուկ հանձնաժողով։ Ի վերջո 1907 թ. դեկտեմբերի 27-ին Փարիզում հրավիրվեց Թուրքիայի ընդդիմադիր կուսակցությունների ու խմբերի կոնգրես։ Կոնգրեսն ընդունեց ղեկավարացիա, որի մեջ շեշտվում էր համիդյան ռեժիմի տապալման անհրաժեշտությունը։ Դեկլարացիայում ազդարարվում էր. 1. դաժնեկեց անել Արդուլ Համիդին, 2. արմատապես փոխել գոյություն ունեցող կարգերը, 3. հաստատել

ներկայացուցչական կարգ (պառլամենտ)՝ Այդ նպատակների իրագործման համար իբրև գործելահղանակներ առաջարկվում էր՝ 1. զինված դիմադրություն իշխանություններին, 2. տնտեսական ու քաղաքական գործադուլների հայտարարում, 3. հրաժարվել հարկերի ու տուրքերի վճարումից, 4. բանակում մղել հակահամիդյան պրոպագանդա, կոչ անելով զինվորներին՝ դուրս չգալ բնակչության ու հեղափոխականների դեմ, 5. բարձրացնել համընդհանուր ապստամբություն, 6. ստեղծել գաղտնի խառն կոմիտե թուրքիայում գործող կազմակերպությունների ներկայացուցիչներից, 7. զարկ տալ հակակառավարական հեղափոխական պրոպագանդային, հրատարակելով գրականություն թուրքերեն, հայերեն, հունարեն, բուլղարերեն, այբաներեն, արաբերեն⁴⁶:

XIX դարի վերջերից համագործակցության որոշ փորձեր կատարեցին նաև երիտթուրքերն ու հնչականները: Դեռ 1890 թ. Ահմեդ Ռիզա բեյը ղրական վերաբերվեց հնչականների կողմից Կ. Պոլսում կազմակերպված Գում Գափուի նշանավոր ցույցին, «կը փնտռեր հնչական ղեկավարները, համեմաշխ գործողություն մը պայահովելու առաջադրութեամբ»⁴⁷: Սակայն նա 1895 թ. Բաբը-Ալիի ցույցին բացասական վերաբերվեց, պատճառաբանելով, թե այն առիթ կտա եվրոպական տերություններին միջամտելու թուրքիայի ներքին գործերին: 90-ական թվականների երկրորդ կեսերին հնչականները երիտթուրքերին համագործակցության նոր առաջարկություն արեցին, բայց Ահմեդ Ռիզա բեյը պատասխանեց, թե այդ համագործակցությունը կարող է լինել միայն այն դեպքում, երբ հնչականներն ընդունեն թուրքիայի վերակառուցման միզհատյան սահմանադրությունը: Այդ պայմանը մերժվեց հնչականների կողմից: «Հնչակը» գրում էր, որ եթե երիտթուրքերը կամենում են վերականգնել 1876 թ. սահմանադրությունը, պահպանելով թուրքիայի ամբողջականությունը, ապա հնչականներն ուզում են «թոթափել այն ստրկական լուծը, որի տակ հեծում է, տնրում է, ճնշվում է, շարշարվում է հայ ժողովուրդը դարերից հետո, խորտակել այն ամուր շղթաները, որոնցով կապված են նրանց ոտքերը, և վերջապես, ազատել բռնի ուժով Հայրենիքը օսմանյան քաղաքական իշխանությունից և կազմել, ստեղծել մի նոր երիտասարդ Հայաստան—սեփական կառավարությամբ, սեփական օրենքներով, սեփական կարգերով ու կանոններով»⁴⁸:

1904 թ. Սասունի ապստամբությունից հետո Ահմեդ Ռիզա բեյը Փարիզում առաջարկեց Ս. Սապահ-Գյուլյանին հրաժարվել եվրոպայի ու Ռուսաստանի օգնության ակնկալություններից ու մերձենալ երիտթուրքերին, ձեռք բաշել «անկախ Հայաստանի» զաղափարից և բավարարվել 1876 թ. սահմանադրությամբ: Բայց Ս. Սապահ-Գյուլյանը մերժեց նրա առաջարկությունները⁴⁹, Հնչականները վճռականապես հայտարարում էին, որ 1876 թ. սահմանադրությունը չի կարող բավարարել թուրքիայի ժողովուրդների կենսական պահանջները: Նրանք ասում էին. «Մենք միզհատյան սահմանադրու-

46 ՏՃ՝ Կ. Ա. Петросян, Младотурецкое движение (вторая половина XIX—начало XX в.), стр. 250.

47 «Պատմություն սոցիալ ղեմոկրատական հնչական կուսակցության» (1887—1962), Կ. Ա. Պեյրուբ, 1962, էջ 306:

48 «Հնչակ», 1902, № 2, էջ 13:

49 ՏՃ՝ «Պատմություն սոց. ղեմ. հնչական կուսակցության», Կ. Ա. էջ 308:

Սյան համար ոչ բերան կը հողենցենք և ոչ էլ գրիչ: Հազար ավելորդ կյանք էթն ունենայինք, մեկն էլ չէինք տալ այդ սասմանադրության» համար»⁵⁰:

Հնչակյաններն անխմաստ էին համարում երիտթուրքերի հայացքները նաև Թուրքիայի ամբողջականությունը պահպանելու մասին: Նրանք գտնում էին, որ Օսմանյան կայսրության մեջ տառապող ժողովուրդները՝ հայերը, արաբները, հույները, մակեդոնացիները և մյուսները չեն ուզում մնալ այդ ամբողջականությունից մեջ, այսբարում են վերականգնել իրենց ազգային անկախությունը, սեփական պետականությունը: Այդպիսի պայմաններում, եզրափակում էին նրանք, առնվազն տարօրինակ է մտածել Թուրքիայի ամբողջականության պահպանման մասին⁵¹:

Հնչակյանները մերժեցին դաշնակցականների և երիտթուրքերի կողմ բողոք ընդդիմադիր ուժերի համագործակցության մասին և դատապարտեցին հայ քաղաքական այն կազմակերպություններին, որոնք իրենց ստորագրությունները դրեցին 1907 թ. Փարիզի կոնգրեսի որոշումների տակ: Նրանք գրտնում էին, որ այդ կոնգրեսով երիտթուրքերը կամենում են վերականգնել 1876 թ. սահմանադրությունը, օսմանացնել կամ թուրքացնել ոչ թուրք ժողովուրդներին և օրակարգից հանել հայկական դատը:

Հնչակյանները որոշ փորձեր կատարեցին թուրք բնակչության հետ համագործակցելու ուղղությամբ: 1894 թ. դեկտեմբերի 23-ին նրանք կոչ հղեցին թուրք գյուղացիությանը⁵²: Բայց 1907 թ. Ս. Սապահ-Մյուլլանը թուրքերի մասին արդեն գրում էր. «Մենք նրանց հետ որևէ գործ ունենալ չենք կարող. ժամանակը այլևս անցած է հասկացողության գալու: Մեր ճակատագիրը, մեր բախտը նրանցից պիտի բաժանենք, վճռականապես, առանց տատանվելու»⁵³:

Որոշ չափով այլ էր վերակազմալ հնչակյանների տեսակետը: Նրանք առաջարկում էին երիտթուրքերին այնպիսի համագործակցություն և միավորում, որն ապահովեր Հայաստանի ինքնավարությունն ապագա Թուրքիայում: Սակայն երիտթուրքերը չընդունեցին նրանց առաջարկությունը, պատճառաբանելով, թե ամեն մի ինքնավարություն վերջին հաշվով կարող է հանգեցնել Թուրքիայի մասնատմանը⁵⁴:

Ինչ վերաբերում է արմենականներին, ապա նրանք գտնում էին, թե իրենք գործելու են միայն հայ իրականության սահմաններում և հայտարարեցին, որ չեն կամենում ցրել ուժերը: «Դրացի ազգերի մեջ հեղափոխական շարժումներ յառաջ բերելու, նկատելով, որ հայ ազգի և մյուս ցեղերի մեջ զգացման, աշխարհայնացողության, պահանջների և զարգացման մեծ տարբերություններ կան, որով հայ ազգի հեղափոխական շարժումը կարող է դանդաղել և կընճոռտել»⁵⁵: Սակայն 1904—1906 թթ. արմենականների ղեկավար Սեպուհը (Նրվանդ Քեոսյանը) վերանայեց իր կուսակցության այդ դրույթը և հայտարարեց, որ հայերը կարող են համագործակցել դրացի մահմեդականների հետ միայն այն ժամանակ, եթե այդ համագործակցությունն օգնի նրանց ազգային խնդրի լուծմանը: Նա գրում էր. «Եթէ դրացի ժողովուրդները, թուրքերը,

50 «Հնչակ», 1907, № 2, էջ 14:

51 Տե՛ս «Հնչակ», 1908, № 1, էջ 10:

52 Տե՛ս Մմրատ Բիրատ, Սասունի ետքը, մասն Ա, Գ. Պոլիս, 1911, էջ 260:

53 Ս. Սապահ-Մյուլլան, Ինքնավար Հայաստան, Գահիրե, էջ 85—86:

54 Տե՛ս «Հնչակ», 1908, № 6—7, էջ 54:

55 Արտակ Դաբրինյան, Հայ ազատագրական շարժման օրերէն, Փարիզ, 1947, էջ 126:

քուրդները և այլ ազգեր այն աստիճան անկեղծ գիտակցության հասած և հեղափոխված լինին, որ հայ հեղափոխության և ժողովուրդին առաջարկեն համասոմանեան հեղափոխության գործակցիլ—այս ապացույց է ինքնին, թէ հայերին հավասար իրավատեր են ճանաչում իբրև երկրի զավակ և որու համար գործնական երաշխիքներ պետք է տուած լինին անշուշտ: Այն ժամանակ անշատ հայկական հարցը իրականության մեջ լուծված կը համարվի և թրքահայ ժողովուրդը ուրախությամբ կաջակցի ընդհանուր ազատագրական գործին՝ ռամկավարական սկզբունքների հեռանկարով⁵⁶: Ընթացիկում, որ արդեն հասել է իրենց ցանկացած պահ, արմենականները մասնակցեցին 1907 թ. Փարիզի կոնգրեսին և ստորագրեցին նրա դեկլարացիան:

Սպեցիֆիկների որոշ ներկայացուցիչներ դեմ էին Արևմտյան Հայաստանում հայ ազգային կուսակցությունների խմբակային ու ցուցարարական կոդիցներին, գտնելով, որ դրանք անօգուտ են և հանգեցնում են խիստ բացասական հետևանքների: Բ. Իշխանյանը ժխտում էր կուսակցությունների ղեկավար դերը արևմտահայության ազատագրական պայքարում, մերժում էր արևելահայերի միջամտությունը և խորհուրդ տալիս արևմտահայությանը գործադրել «կոլի պասսիվ միջոցներ», այսինքն՝ հրաժարվել կազմակերպված պայքարից և բռնակալության դեմ կիրառել տարերային շարժումներ: Նա Հայկական հարցի լուծումը կապում էր համաթուրքական շարժումների հետ: Բ. Իշխանյանը գրում էր. «Թուրքահայերի ապագան որոնել համաթուրքական ապագայի ծոցում, առանց խաբվելու ուտոպիական ծրագրերից և անբովանդակ պատրանքներից: Ահա մեր ասելիքը»⁵⁷:

Հայ-թուրքական համագործակցության մասին հանդես եկան նաև գեմալատական որոշ գործիչներ: Նրանցից հիշատակելի է Տիգրան Զավենը, որը 1906 թ. հոկտեմբերից Թիֆլիսում հրատարակելով «Երկրի ձայն» շաբաթաթերթը, պրոպագանդում էր երկու ժողովուրդների համագործակցության և համատեղ պայքարի զաղափարը: Նա թարգմանաբար տպագրում էր թուրք հեղինակների հոդվածներն իրենց ժողովրդի անցյալի ու ներկայի մասին, ծանոթացնում հայ ընթերցողներին թուրքերի տնտեսական ու քաղաքական կյանքին: Մերժելով Եվրոպայի միջամտության ու օգնության տեսակետը, Տիգրան Զավենն արևմտահայության ազատագրումը կապում էր համաթուրքական հեղափոխության հետ: Իր շաբաթաթերթի առաջին համարի առաջնորդողում նա գրում էր. «...մենք ընդունում ենք միմիայն մի դատ Թուրքիայում—ընդհանուր հեղափոխության դատը: Եվ բնականաբար չենք կարող ընդունել այն՝ ինչ երկպառակության, բաժանման առիթ է ծառայում մեր բախտակից ժողովուրդների միջև: Մենք վճռապես դեմ ենք ազգային առանձին հեղափոխության, առանձին շարժումների»⁵⁸:

Տիգրան Զավենը առաջ էր քաշում Թուրքիայում սոցիալիստական կուսակցության ստեղծման գաղափարը: Նա գրում էր, թե այդ երկրում «անհրաժեշտ է, որ առաջ գար միջազգային սոցիալիստական կուսակցություն, որն իր դրոշակի տակ համախմբեր բոլոր ցեղերի և կրոնների ներկայացուցիչներին, հակակշռելու սուլթանական զավեճը և կոմիտե ավելի ազատ կարգերի

⁵⁶ Նույն տեղում, էջ 172—173:

⁵⁷ «Երկրի ձայն», 1907, № 25, էջ 13:

⁵⁸ «Երկրի ձայն», 1906, № 1, էջ 2:

Համար⁵⁹։ Նրա կարծիքով այդ կուսակցությունը պետք է լինի «ոչ թե ազգային, այլ միջազգային»⁶⁰ և իր գործունեությունը պետք է ձևավորվի ոչ թե Խուրհանդակային սանձազերծում, այլ տարածե կայսրության բոլոր մասերի և անխտիր բոլոր ցեղերի վրա⁶¹։ Պաշտպանելով համաթուրքական հեղափոխության գաղափարը, Տիգրան Զավենը անտեսում էր այդ հեղափոխության մեջ տարբեր դասակարգերի շահերն ու խնդիրները։

Համիդյան բռնապետության դեմ համատեղ ուժերով պայքարելու համագործակցության որոշ փորձեր կատարեցին նաև հայ ու քուրդ հասարակական ուժերը։ Որոշ առաջադեմ քուրդ մտավորականներ առանձին կոչներով դիմեցին իրենց հայրենակիցներին։ Այդ կոչերը թարգմանաբար հրատարակվեցին նաև հայերեն։ Դրանցից մեկում ասվում էր, որ արդեն անցել են լեռների մեջ կատարվող հերոսություններն ու խիզախությունները գովերգելու ժամանակները, և սկսվել է գիտության ու լուսավորության դարը։ Այժմ պետք է դիմվել դրանցով, ծառանալ կառավարության դեմ և պայքարել ազատության համար։ Այդ ճանապարհին պետք է մերժել սուլթանի հակահայկական պրոպագանդան, բարեկամանալ հայերի հետ և հանդես գալ մեկտեղ։ Հայերը ժժիք բարեկամներն ու դրացիներն են... Միացեք, ձեր միակ փրկությունը զենքի ուժով միայն պիտի ըլլա, այսինքն ապստամբությունով⁶²։

Մի այլ կոչում ավելի էր շեշտվում սուլթանական կարգերի անտանելի վիճակը և ընդգծվում հայ-քրդական համատեղ գործունեության անհրաժեշտությունը։ Վերջում նշում էր, որ հայ-քրդական համերաշխության ծիրերը թայսօր դեռ թնուլ են և նորաբողոք, բայց պիտի հուսանք, որ ատոնք իրենց պատուները կունենան և անշուշտ կարող կըլլան ստեղծել երկրի մեջ զգալի հակասուլթանական ուժ մը⁶³։

XIX դարի վերջին և XX դարի սկզբին արևմտահայ որոշ գործիչներ նույնպես փորձեցին գործնական կապեր ստեղծել քրդերի հետ։ 1896 թ. նրանք երզնկացի Քեոխին (Ռուբեն Շիշմանյանին) ուղարկեցին Դերսիմ, իսկ 1903—1904 թթ. Մալխասին ու Երվանդին՝ Շամդինյան հանձնարարելով՝ կնքել համագործակցության դաշինք այդ վայրերի քուրդ ցեղապետների հետ։ Սակայն նրանց փորձերն ապարդյուն անցան, Հայ գործիչների փորձերն արդյունքի չհասան նաև քուրդ դյուղացիության մեջ։ Նրանք կամեցան համագործակցության դաշն կնքել նաև ասորիների հետ և 90-ական թվականների վերջերին ու 1906—1908 թթ. ներկայացուցիչներ ուղարկեցին ասորական մարջիմոնի ու մեյլիքների մոտ։ Բայց դարձյալ ապարդյուն։

1908 թ. հեղափոխությունից հետո Արևմտյան Հայաստանի ճնշված ժողովուրդների հասարակական տարբեր խավերը համագործակցության նոր փորձեր արեցին։ Դժգոհելով երիտթուրքական կարգերից, նրանք պատեհ առիթով պատգամավորներ էին ուղարկում իրար մոտ և բանակցություններ վարում։ 1913 թ. հայ որոշ գործիչներ առաջարկեցին երկուսի շեյխ Սեիդ Ալիին թուրքական տիրապետության դեմ ստեղծել հայ-քրդական միություն։ Այդ նպատակով կնքված պայմանագրում ասվում էր. «Քյուրդերու ու հայերու միացյալ ուժերով արևելյան նահանգները հուշակել անկախ, որ պիտի կառավարվի երկ-

59 «Երկրի ձայնը», 1907, № 28, էջ 1։

60 Նույն տեղում, էջ 4։

61 «Դրոշակ», 1898, № 6, էջ 52։

62 «Դրոշակ», 1900, № 1, էջ 6։

րի երկու բնիկ ազգերուն կողմն⁶³։ Հայ գործիչները 1909 թ. Կարինում քրդերի համար ստեղծեցին հայատառ այբբենարան և կուրմանճի բարբառով ընթերցարան։ Այնուհետև «Ազատամարտում» տեղ հատկացրին քրդալեզու հոգվածներին ու հաղորդումներին և մի շարք գյուղերում փորձեցին հիմնել քրդական դպրոցներ⁶⁴։

Հայ-քրդական համագործակցության որոշ փորձեր կատարեցին նաև քրդերը։ Շամդինյանի շեյխ Ուբեյդ-Ուլլայի որդի Աբդուլ Կադերը վերադառնալով աքսորից, լինելով թուրքական սենատի անդամ, 1909 թ. աշնանը նա մեկնեց Վան, հրավիրեց հայերի ու քրդերի խորհրդակցություն և փորձեց համոզել թուրք ազաններին, որ վերադարձնեն հայ շինականներից բռնազրաված հողեր⁶⁵։ Բայց երբ 1912 թ. Հայկական հարցը կրկին դարձավ միջազգային գիմնադրույթության քննարկման առարկա, Աբդուլ Կադերը մշակեց Քրդստանի ինքնավարության նախագիծ, ներկայացրեց այն օսմանյան պառլամենտին և փորձեց «հիմնավորել», որ հայերի հողերը քրդերի ձեռքն են անցել «կանոնավոր գնումների ճամբով»⁶⁶։

Հայ-քրդական համագործակցության հարցով հանդես եկավ նաև քրդական շարժման մի այլ ներկայացուցիչ՝ Արդուր Ռեզաբը։ Համարելով հայերին մի կողմից իր բարեկամներն ու զաշնակիցները թուրքական կառավարության դեմ, մյուս կողմից նա ցանկանում էր հայկական շարժումները ծառայեցնել իր աղայական դասակարգի շահերին⁶⁷։

Հայերի անկեղծ բարեկամն էր Մոկսի մյուզիք Մուրթուլլա բեյը։ Նա կրթված մարդ էր, գիտեր հայերեն և թարծր էր գնահատում հայերի նյութական ու հոգևոր արժեքները։ Մուրթուլլա բեյը թույլ չէր տալիս, որ պաշտոնյաները թշնամություն սերմանեն Մոկսի հայերի ու քրդերի միջև, հետևում էր նրանց բարի-դրացիական կապերի պահպանմանը և մերժում սուլթանի հայակուլ քաղաքականությունը։ Նրա ջանքերով Մոկսը զերծ մնաց հայկական ջարդերից։ Մուրթուլլա բեյն իր հայասիրական վարքագիծը շարունակեց նաև սահմանադրությունից հետո, 1909 թ. Աբդուլ Կադերի Վանում անցկացրած խորհրդակցությունում նա դատապարտեց թուրք ազանների զաժանությունները։ Հայերի նկատմամբ և հայասրարեց, որ նրանք եղել են Համիդի «որսի շները»⁶⁸։ Մուրթուլլա բեյի հայասիրական զործունեության արտահայտություններից մեկն էլ նրա օգնությունն ու օժանդակությունն է Հովսեփ Օրբելուն։ 1912 թ. ամռանը, երբ Օրբելին ժամանեց Մոկս, տեղի բարբառը, ժողովրդական բանահյուսությունը, ազգագրությունը և պատմական հուշարձաններն ուսումնասիրելու համար, Մուրթուլլա բեյը նրան ընդունեց մեծ սիրով և ավելի քան մեկ տարի պահեց իր մոտ։ Շնորհիվ նրա օգնության, Օրբելին կապվեց Մոկսի քրդերի հետ, կազմեց նրանց լեզվի քերականությունն ու բառարանը⁶⁹։

63 Կ. Սաաուեթ. Քիւրտ ազգային շարժումները և հայ-քրդական յարաբերութիւնները, Պէյ-րուք, 1969, էջ 212—213։ Նաև ՌՔՔԱ, ֆ. «Քաղաքիւիվ» 1913, ց. 482, գ. 719, ք. 328։

64 ՏՃՄ «Ազատամարտ», 1909, № 51։ «Աշխատանք», 1911, № 1—48, էջ 12։

65 ՏՃՄ «Մշակ», 1909, № 251։ «Բյուզանդիոն», 1909, 17 նոյեմբերի, № 3973։

66 «Մշակ», 1913, 28 մայիսի, № 114։

67 ՏՃՄ ՍՍՄՄ ԿՊՊԱ, ֆ. 2000, գ. 7413, ք. 290—291։

68 ՏՃՄ «Մշակ», 1909, 12 նոյեմբերի, № 251։

69 ՏՃՄ ՎՍՄՄ ԿՊՊԱ, ֆ. 71, գ. 76, ք. 195—196, 200, 215—217։

* * *

Անկախ աղաների ու կուսակցական և այլ գործիչների ցանկություններից, թե՛ սուլթան Աբդուլ Համիդի և թե՛ երիտթուրքերի կառավարման տարիներին հայերի ու նրանց հարևան ժողովուրդների միջև բազմաթիվ էին համագործակցության գնայերը: Ապրելով կողք-կողքի, նրանք մշակել էին բարի-գրացիական հարաբերություններ և միասնաբար դիմագրավելով բռնություններին ու կեղերումներին, փոխադարձաբար պաշտպանում էին միմյանց:

Ժամանակի մամուլն արձանագրում էր, որ «տաճիկ գյուղացի երկրագործ զասը... պաշտպանել է իր դարավոր հարևան հայ աղգարնակչությունը և սաստիկ ընդդիմադրություն է ցույց տվել հարձակվող խուժանին»⁷⁰:

Որոշ թուրքեր նույնիսկ մտել էին հայ ֆիդայիների շարքերը և կովում էին համիդյան բռնապետության դեմ: Իսկ 1904 թ. Սասունի ինքնապաշտպանության նախօրյակին Բիթլիսի վիլայեթի Արադ գյուղում կանգնած թուրքական զորամասի ենթասպաններից մեկը՝ Զեքերիան, կամ ինչպես հայերն էին նրան անվանում, Զաքարիան, իր մի բանի զինվորներով դիմեց Անդրանիկին, խնդրելով թույլ տալ միանալ հայդուկներին և կովել սուլթանի հրոսակների դեմ: Ստանալով թույլտվություն, նա «Սասնոյ կոիվներուն քաջաբար կովեցավ... թուրք զորքին դեմ»⁷¹:

Հայ ֆիդայական շարժումը հաճախ համակրանք էր գտնում բուրդ աշխատավոր գյուղացիության մեջ: Դա պայմանավորված էր նրանով, որ հայդուկները պաշտպանում էին նաև հասարակ քրդերի շահերը և հանդես գալիս նրանց հարստահարողների դեմ: Այսպես, 1907 թ. Շատախի Միծանց գյուղի մոտ նրանք 48 ժամ կովեցին ավազակների դեմ և պաշտպանեցին բուրդ գյուղացիների հոտը: Ականատեսը նշում էր, որ «վերջին 15 տարվա ընթացքում աշուպխի օրինակներ թիչ չեն եղել»⁷²:

Ենթոհիվ հայդուկների այդ վերաբերմունքի, քրդերը հաճախ օգնում և օժանդակում էին նրանց, թաքցնում թուրքական իշխանություններից, հյուրասիրում էին, ուղեցնում, առաքում զրազրությունները և այլն: 1905 թ. մարտի 14-ին Քիլիկիայի ռուսական հյուպատոս Վ. Շիրկովը գրում էր. «Զի կարելի լուրջամբ անցնել այն փաստի կողքով, որ քրդերը բարեկամաբար էին վերաբերվում հայ հեղափոխականներին: Դա արտահայտվում էր նրանում, որ քրդերը... հյուրասիրում են հայ ֆիդայիներին, ցույց են տալիս նրանց ճանապարհներ, մթերք մատակարարում»: Այա բերելով կոնկրետ փաստեր, եզրափակում էր. «Քրդերը սկսել են նույնիսկ օգնել հեղափոխականներին, որ սրանք ձեռք բերեն զենք ու հանգերձանք»⁷³:

Քրդերը հաճախ գովերգում էին հայդուկներին և փառաբանում նրանց սխրագործությունները: Քրդական ժողովրդական երգերից մեկում Աղբյուր Սերոբի մասին սովում էր.

«Քաֆրը է այն մարդը,

Որ ուզենայ Սերոբ փաշան սպանել»⁷⁴:

70 «Դրոշակ», 1896, № 6, էջ 41:

71 Մկրտիչ Երևանց, Զորավար Սմբատի հուշերը, Փարիզ, 1936, էջ 197:

72 ՍՍՀՄ ԿՊԻՊԱ, ֆ. 2000, գ. 7716, ք. 557:

73 ՈւլթԱ, ֆ. «Քաղաքիսի», 1905, ց. 482, գ. 539, քք. 41—42:

74 Յակոբ Եանդազեան, Քիւրդո-հայ պատմութիւն, Կ. Պոլս, 1911, էջ 169:

Ներկի որոշ մասերում քրդերը դիմում էին ֆիդայիների օգնությանը, երբ նեղվում էին ազաններից, իսկ երբեմն էլ մտնում էին նրանց շարքերը և կրավում իրենց ճնշողների դեմ:

1904 թ. նոյեմբերի 16-ին Կարինի ռուսական զխապոր հյուպատոսը գրում էր Կ. Պոլսի իր գեսպանին. «Մի նոր գիծ է մուտք գործել ընդհանուր դրուժնան մեջ վերջին ամիսների ընթացքում,— դա քրդերի համագործակցությունն է հայերի հետ»⁷⁵: Այդ էր հաստատում նաև Վանի ռուսական փոխհյուպատոսը 1906 թ.⁷⁶:

Արևմտյան Հայաստանում եզակի չէին նաև հայ-ասորական համագործակցության դեպքերը: Երբեմն ասորի գյուղացիները մտնում էին հայդուկների շարքերը և պայքարում տիրող անիրավության դեմ: Այսպես, Վանի ռուսական փոխհյուպատոս Ռ. Ի. Տերմենը 1907 թ. գրում էր, թե մի ասորուհի քարձրացավ Սասուն, միացավ հայդուկներին, որ լուծի թուրք զահճների կողմից սպանված իր եղբայրների վրեժը⁷⁷:

Արևմտյան Հայաստանում ժողովուրդների տարերային համագործակցության դեպքերը երիտթուրքերի կառավարության տարիներին ավելի հաճախակի դարձան: 1908 թ. հոկտեմբերին, երբ Վանի հարուստները կրկնապատկեցին ցորենի գները, հայերն ու թուրքերը միասնաբար պահանջեցին վերականգնել նախկին գները⁷⁸: 1909 թ. հունիսին Դիարբեքիի հայ ու թուրք բնակիչներն ըմբոստացան պարենամթերքների, հատկապես հացահատիկի թանկացման դեմ: Երբ վաճառականները փորձեցին իրենց ցորենն արտահանել այլ վայրեր, հայուհիներն ու թրքուհիները զնացին կուսակալի մոտ և պահանջեցին՝ բացել վաճառականների հացի հորերը և մատչելի գներով վաճառել հացահատիկը⁷⁹: Խարբեղում հայերն ու թուրքերը 1909 թ. փետրվարին ըմբոստացան կուսակալի դեմ և պահանջեցին կառավարությունից՝ վերջ դնել նրա «ապօրինի արարքներուն»⁸⁰: Նման ելույթներ եղան նաև Իիթլիսում, Ակնում, Քըզլում (1909), Բաբերդում (1910), Արճնշում (1914):

Արևմտյան Հայաստանի ժողովուրդների տարերային համագործակցությունը համեմատաբար ավելի լայն զրահումներ ունեցավ պաշտում, իրենց ճնշողների ու հարստահարողների դեմ համատեղ հանդես էին գալիս համարյա բոլոր ազգերի գյուղացիները: 1910 թ. մայրաքաղաք ուլաղաթ ըողոքազրում Բաբերդի հայ և թուրք գյուղացիները նշում էին, որ իրենք իբրև յարբեր ազգությունների պատկանող շինականներ, ռորնէ հակառակություն չունին իրարու հանդեպ և թէ իհարկին կը միանան իրարու հետ՝ բոլոր բառնալու համար հասարակաց թշնամիին՝ աղա-պկեղերուն դեմ»⁸¹:

Ներկի մի շարք շրջաններում հայ գյուղացիների հետ միասին թուրքական ու քրդական կղզիքիների դեմ համառորեն պայքարում էին նաև քրդերը:

⁷⁵ «Դրոշակ», 1904, № 11, էջ 173:

⁷⁶ Տե՛ս Բ. Ի. Термен, Отчет о поездке в сандажак Хекнари Ванского вилаета в 1906 г., Тифлис, 1910, стр. 146.

⁷⁷ Տե՛ս Բ. Ի. Термен, Отчет о полевой поездке 1907 г. в Ванском, Битлисском и Диярбекирском вилаетах, Тифлис, 1909, стр. 77.

⁷⁸ Տե՛ս ՌԱԲԱ, ֆ. «Ժողարկիվ», 1903, ց. 482, գ. 716, ք. 122:

⁷⁹ Տե՛ս «Ազատամարտ», 1909, 5 հուլիսի, № 11: «Բյուզանդիոն», 1909, 5 հուլիսի:

⁸⁰ «Բյուզանդիոն», 1909, 5 մարտի, № 3765:

⁸¹ «Ազատամարտ», 1910, 13 հուլիսի, № 321:

Մուշի դաշտում 1910 թ. սկզբներին հայկական Մուշաղեն ու Գյուլբաշ և քրդական Միզդի, Զերկիսի ու Պալե գյուղերի բնակիչները համատեղ դիմեցին Քիթլիսի իշխանություններին, որպեսզի ետ վերադարձնեն աղաների կողմից բռնագրավված իրենց հողերը⁸²։ 1911 թ. հունիսին Մուշի դաշտի բազմաթիվ հայ ու քուրդ գյուղացիներ ընդհանուր բողոքագիր պատրաստեցին, կենտրոնական իշխանությունների միջամտությամբ իրենց հողերը ետ ստանալու, հարկային բեռը թեթևացնելու և բռնություններին վերջ տալու համար։ Սակայն տեղական իշխանությունները ոչնչացրին նրանց բողոքագիրը և պատժեցին կազմակերպիչներին⁸³։ Քրդի գավառում քրդերը 1913 թ. խմբով լքեցին կառավարչատուն և պահանջեցին ետ վերադարձնել իրենց հարևան հայերի հոտը, որը տարել էին ավազակները, միաժամանակ հարց հարուցեցին արժանվույնը հատուցել հայերի արյունը թափող մարդասպաններին⁸⁴։ Հայ և քուրդ գյուղացիների համատեղ պայքարը դրսևորվեց նաև Զիւրուտ, Մանազկերտում, Գեափաշում (1910—1913 թթ.), Նրզնկայի գավառում (1910—1912 թթ.) և այլ տեղերում։ Մայրաքաղաք ուղարկված իրենց բողոքագրերում նրանք նշում էին, որ իրենք իրենց մեջ որևէ հակասություն չունեն և պայքարում են միայն իրենց թշնամիների դեմ⁸⁵։

Ուշագրավ է, որ հայերն ու քրդերը հաճախ ծառանում էին թուրքական պաշտոնյաների, և քուրդ աղաների՝ ժողովուրդների միմյանց հակադրող նացիոնալիստական մոլի քարոզների դեմ։ Այսպես, երբ 1912 թ. իթթի-հատական պաշտոնյաները փորձեցին իրար դեմ գրգռել Բայազետի գավառի էրզապ գյուղի հայ ու քուրդ բնակիչներին, հանդիպեցին լուրջ հակահարվածի։ Գյուղացիները բողոք ուղարկեցին մայրաքաղաք և պահանջեցին պաշտոնադրվել ազգամիջյան կոիվներ հրահրող տեղական կառավարիչներին։ Իրենց բողոքագրում նրանք նշում էին. «Մինչև հիմա եղբայրաբար ապրող տեղիկս հայ և իսլամ բնակչությունը իրարու ձգող մեր կառավարիչը եթե շուտով փոխվի, հավանական ծանրակշիռ դեպքերը կարգեվիին»⁸⁶։

Երիտթուրքական ռեժիմի դեմ համատեղ պայքարեցին նաև քրդերն ու ասորիները։ 1911 թ. Վանի նահանգի Տոսկան գյուղից նրանք դիմեցին կուսակալին, որ պակասեցնի իրենց հարկերը։ Սակայն կուսակալը ոչ միայն մերժեց, այլև ուղարկեց հարկահաններ ու ոստիկաններ, որ անհապաղ հավաքեն սահմանված հարկերը։ Գյուղացիները միասնաբար դիմադրեցին, խլեցին զենքերը և վտարեցին գյուղից։ Վանի իշխանությունները 1911 թ. դեկտեմբերի 28-ին նոր ուժեր ուղարկեցին Տոսկան շարժումը ճնշելու և կազմակերպիչներին պատժելու նպատակով։

Ասորիներն ու քրդերը համատեղ պայքարի օրինակ ցուցաբերեցին նաև Զուլամերկի գավառի Արճի գյուղում, ուր 1912 թ. սեպտեմբերի 29-ին հրոսակներին թերկար դիմադրություն հետո կը կարողանան վերջապես իրենց ավաղը ետ բերել⁸⁷։

⁸² ՏԵՄ ՌԱԲԱ, ֆ. «Քաղաքիսի», 1910, ց. 482, գ. 544, թ. 56.

⁸³ ՏԵՄ ՍՍՀՄ ԿՊՌՊԱ, ֆ. 2000, գ. 7716, թ. 249.

⁸⁴ ՏԵՄ «Բյուզանդիոն», 1913, 30 մարտի, № 5046.

⁸⁵ ՏԵՄ «Բյուզանդիոն», 1911, 10 հունվարի, № 4625.

⁸⁶ «Բյուզանդիոն», 1913, № 5167.

⁸⁷ «Աշխատանք», 1912, № 47—94, էջ 7.

Սակայն Արևմտյան Հայաստանի ճնշված ժողովուրդները ինչպես անցյալում, այնպես էլ երիտթուրքերի կառավարման տարիներին չկարողացան համերդհանուր պայքարի միասնական ճակատ ստեղծել:

4 ՀԱՅԿԱԿԱՆ ԲԱՐԵՆՈՐՈԳՈՒՄՆԵՐԻ ԽՆԴԻՐԸ

1912—1914 ԹՎԱԿԱՆՆԵՐԻՆ

Բալկանյան իրադարձությունների կապակցությամբ հայկական ազգային շրջաններում ընդհանուր տրամադրությունն այն էր, որ հարկավոր է դիմել մեծ տերությունների ղեկավարություն և մասնավորապես ռուսական կառավարությանը, որպեսզի Մակեդոնիայի ու Ալբանիայի հարցերի հետ միասին քննության առնվի նաև ծրագրված բարենորոգումները հայկական նահանգներում իրականացնելու խնդիրը:

Գավառներից ստացված բազմաթիվ բողոքների հիման վրա 1912 թ. հուլիսի 7-ին 4. Պուլի Հայոց պատրիարքարանը կազմում է ընդարձակ մի խնդրագիր և ներկայացնում արդարադատության միևնույնությանը, զոյություն ունեցող բնություններին վերջ տալու պահանջով⁸⁸:

Արևմտյան Հայաստանի արյունոտ մղձավանջի փաստերը հրապարակվում էին հայկական և օտար մամուլի էջերում: «Մշակը», «Բազմաշաբլը» Հայաստանը» խմբագրականով կոչ էր անում ճշգրտակիր աշխարհին, մանավանդ Ռուսաստանին, իրենց ձեռքը վերցնել արևմտահայության ազատագրության գործը⁸⁹:

1912 թ. սեպտեմբերի 19-ին Թիֆլիսում հրավիրվում է մի ժողով, որին մասնակցում էին հայ հասարակական տարբեր խավերի ներկայացուցիչները: Ժողովը հարց է հարուցում դիմել ռուսական կառավարությանը: Համաձայն ժողովներ են տեղի ունենում նաև Բաքվում, Վանում, Բաթումում և այլ կենտրոններում:

Դևորգ V կաթողիկոսը դիմում է փոխարքային՝ խնդրելու ցարի օգնությունը արևմտահայությանը: Վորոնցով-Դաշկովը Նիկոլայ II-ին հասցեագրած նամակում ընդգծել հայերի նկատմամբ Ռուսաստանի թավանդական քաղաքականության նշտությունը⁹⁰: Փոխարքան հիշեցնում էր ցարին, որ Ռուսաստանը հանձին հայերի միշտ էլ ունեցել է իր «հավատարիմ բարեկամները», որոնք Պետրոս Մեծի ժամանակներից ի վեր «ազատիվ աջակցություն են ցույց տվել ռուսական բանակին պատերազմների ժամանակ»: Նկատի ունենալով, որ Հայկական հարցում եվրոպական միջամտությունը, հավանաբար, «դառնում է անխուսափելի», ռուսի նախորդող էր տալիս թափափոթի՝ չտալով, «որպեսզի նախաձեռնությունը ձեռքից դուրս չընկնի», այլապես Ռուսաստանի հեղինակությանը մեծ հարված կհասնի, և հայերին դա կմղի այն համոզմանը, թե պետք է «մեկընդմիշտ ձեռք քաշել ցարի հետ հույսերը կապելուց» և պաշտպանություն «որոնել Ռուսաստանից դուրս»: Ուստի, փոխարքայի կարծիքով, անհրաժեշտ էր, որպեսզի Ռուսաստանն ունենար «մի համակիր ժողովուրդ այն մարզերում, որոնք իրերի ներ-

88 Տե՛ս ՌԱՔԱ, ֆ. «Քաղաքախիվ», 1912, գ. 3727, թ. 5—9.

89 Տե՛ս «Մշակ», 1912, № 195.

90 ՌԱՔԱ, ֆ. «Քաղաքախիվ», 1912, գ. 3727, թ. 16.